

中華民國二十年一月二十五日印刷
中華民國二十年一月三十一日發行

版權所有
翻印必究

發行者

大連市伏見町二八

夏尊學

編輯者

旅順營城會小磨子屯

喬芝三

印刷者

夏尊學

印刷所

大連市伏見町二八

新亞印務公司

發行所

新亞印務公司出版部

定價大洋壹圓

呈請誨正南金鄉土志稟

為呈送南金鄉土志草案以備誨正事竊以鄉土志一書各省
所屬莫不厯厯備具惟南金於此自來闕如

校長胞叔

喬德秀

前充金州私立公育小學校名譽校長現該校改歸旅順營城
子會立小磨子村公育學校仍充該校校長因教授學科有地
理一門以為愛國始於愛家愛家自宜愛鄉桑梓厯代之建置
沿革山水人物種種情形情然一無所知將眷戀顧惜之情懷
何由而起爰於前清宣統年間校務之餘採摭盛京通志調查
父老見聞及租借衙署一覽概況等書據實考覈編集綴以淺
鮮詞意用以開擴兒童應有之智識惟搜采未備難期完善未
敢遽入隨意科目亦未敢遽聽友人傳鈔擬欲塵穢視聽就正
得失第以省垣寫遠無力專人奉上茲借本校校章備文代為

呈閱。僮於初學。微有裨益。希即乘此公餘。逐一點檢裁成。及筆
削完竣。即將原稿繳回。以慰該校師生之翹盼。以上祈請。如蒙
允俞。非惟會纂之人。幸得承教。而其所以存留南金。嘉惠後學
之至德。更有令人感佩莫名者矣。謹呈

奉天省行政公署教育司

計呈 南金鄉土志二冊

西安縣縣立第一高等小學校校長喬恕傳

中華民國二年十二月八日

奉天西安縣知事公署訓令

令縣立第一高等小學校校長喬恕傳

本年十二月二十一日奉

省行政公署訓令第七九三號內開教育司案呈據該縣縣立第一高等小學校校長喬恕傳呈送伊叔喬德秀編輯南金鄉土志二冊請鑒該等情查閱該志條理精密搜討亦極宏富堪為小學校鄉土史地等科之參考書惟間有不合時宜之處尚須修改准由該編輯人遵令修改自行付印即轉令知照志二冊發還此令附發南金鄉土志二冊等因奉此合將金志二冊發交該長遵令修改自行付印此令附發金志二冊

中華民國二年十二月二十七日

縣知長

馬

呈國史編纂處稟

呈為遵送南金鄉土志以供甄錄事竊以民國八年三月間奉天公報載

大總統設選詩社於集靈園之晚晴籜徵求清代詩集又簡例第九項有除詩集以外各省縣新舊志乘一律徵采四月間省長訓令奉

鈞處函催檢送金縣等縣志書是發潛闡幽之心為拾遺訂墜之舉仰見我國家邛治之隆中外共和且隱寓修文偃武深意故旁搜博採不拘資格以鼓勵士子日進文明所長因念及先叔喬德秀係前清貢生為此運變遷無志科名退隱家居以裁成後起為專務爰於宣統年間創辦金州私立公育兩等小學

校即充該校名譽校長。因授地理一科。觸目地方。囿於租界。瞻顧流連。而不能已。校務之餘。編集斯志。綴以淺鮮詞意。用擴兒童應有之智識。前曾呈請奉天教育司。蒙批堪為小學校鄉土史地等科之參攷書。惟間有不合時宜之處。准由編輯人修改。自行付印。正擬修改間。不幸先叔逝世。後人未便重修。兼未付印。茲遇徵求盛典。復苦無我國相當之官府。為之蒐集彙呈。所長擅越謹就家藏。繕訂兩冊。備文呈送。如蒙採錄。藉以存留南金。不冀得酬。謹呈
國史編纂處

計呈送 南金鄉土志二冊

奉天省西安縣勸學所所長喬恕傳

民國九年一月二日

南金鄉土志登載預告

喬芝三先生遼東之通儒也文章道德均為人所崇仰先生因有清末葉世變日亟乃無志功名隱居故里設立學校裁成後進暇則著書自娛焉歿後今已十年矣其遺著雖有存者然未皆公之於世潛德幽光無從發露良可慨也茲幸得先生所著之南金鄉土志一書記載南金政俗形勝歷史文學武事人物戶口等項分門別類搜討綦詳洵為最可珍貴之作南金已為世界所注目之地其鄉土情形必為世人所欲共聞惟苦無專書足供考究引為憾事蓋比比也先生此作又安可秘而不宣哉用特將原稿付之手民定於九月一日(關東廳始政二十週年紀念日)開始登載以饗閱者合行預告以昭鄭重又此書尚須出版嚴禁轉載用並布達即維公鑒

滿洲報編輯部啟

序

吾友金州喬君芝三德秀。著有南金鄉土志兩冊。苦心搜求。體例略具。或病其尚未詳備。似拘於一隅。而不能賅乎全境者。然金州向無志書。君獨能起而創之。拾遺補闕。采輯舊聞。需以歲時。積成卷軸。此華縷之功也。顧偉歟。余交芝三。在壬辰歲。時甫踰弱冠。君已四旬餘。正設帳省垣時也。譚藝勗德。期待甚厚。庚子後。君歸金州。充私校校長。不復遠出。乃以課餘。不自暇逸。編輯此志。以存文獻。用意甚深。至可欽佩。今歲夏間。余以政潮。避地連灣。距君家數十里。君之猶子。恕傳。以君既歿。家有遺書。邀余過其家。乃檢日記若干冊。讀之。恕人責己。修身齊家。刻刻以聖賢道理為依歸。洵經明行修。可為閭里矜式者矣。是志為君

心血所在。爰序而歸之。君無子。其家議以恕傳奉其祀。余力贊成。恕傳循謹好學。能繼其業。再蒐訪舊聞。補益此志。以臻完備。庶芝三之心益慰。亦余所殷殷屬望者也。

壬戌六月三十日潔珊袁金鎧識於哈爾濱東省鐵路公司董事室

南金鄉土志序

武功朝邑二志尚已。後世罕覲焉。簡不逮也。其實地志一書。繫於地。不繫於人。攷疆域。辨山川。紀沿革。書戶口。蒐物產。足矣。奚事誇多鬪靡。為南金僻處邊塞。舊為箕子所封國。遂入於朝鮮。厥後隸屬無常。若高句麗。若遼。若金。若露。若日。其入中國版圖者。僅耳。且自古以來。為百戰之地。東西南朔。靡有寧宇。離居蕩析。久苦播遷。文人學士。未有操筆而為志乘者。一郡之地。幾成邱墟。

芝三先生。慮文獻之就湮也。徧為採訪。彙編鄉土志。於形勝。歷史。山河。海島。尤詳。旅大則別為租借政治志。以綴於末。凡當時之戰況。市町之建設。胥一一縷記。蓋有慨乎其言之也。先生猶子心如。將以是志付印。乞為序。余維志非漫然作也。至

於叔尤難於因。矧際此文物沈霾，兵戈倏擾之時，而又為中外
雜處之地耶。

先生萃畢生之精力，苦心經營，褒馬成帙，正不知幾經易稿，而
始底於此也。吁其嗟哉！或以為是志近詳而遠略，不見夫天下
事鑒於古者少，鑒於今者多乎？荀子法後王可證也。離簡馬庸
何傷。

民國十八年己巳秋潘 復

喬芝三先生傳

先生諱德秀字芝三別號希真子姓喬氏奉天金縣旅順口管內營城子會小磨子村人也幼失怙家奇貧賴母氏苦節撫孤得以成其名初受業於段葉唐先生之門未弱冠文名大噪鄉里長老咸器異之旋以困於境為童子師將束脩所入歸供甘旨同宗子璵聞而惋歎曰此有用才埋沒良可惜遂不時攸助俾能自力學清光緒十二年童試冠其軍逾歲既于庠廩後援例貢成均嘗自云學問者不得良師不能識塗徑不獲益友亦無以資切磋也吾受益於師友多矣故先生所交游者皆一時名士劉子和鳴盛李在彌義田王子常奎英韓席賓崑珍陳鶴泉蔭喬袁潔珊金鎧諸公與先生尤相得年五十以親老林泉小隱菽水承歡孝乎惟孝先生無媿焉日俄戰後金縣劃為日本

租界先生憂南金文獻淪胥而無救也乃於宣統二年春獨辦私立學堂由中日兩當局許可奉天又特頒布印章文曰金州私立小磨子公育兩等小學校蓋深嘉其以一華人能於租界內為提倡私立學校之嚆矢耳其教授及管理諸方針率取東西最新之章程則尤為各界所公許不年餘學子已百有餘人先生每顧而樂之詎事與心違未及三年以教育之關係受日本租界當局之嚴命不得已而宣布廢校矣此為先生永世之恨事先生生有俠骨大義凜然為地方公益每奮不顧身當日俄激戰中俄軍欲割農民之青苗以飼戰馬先生不畏強禦力為陳說卒得易之以青草此一方人民至今每飯不忘者也既金縣劃歸日本租界日人欲將管內瑩墓悉移於不害耕種之山麓居民同憤幾釀事端先生具詞力為陳請事乃已日人

修河套欲取土於居民之良田中亦賴先生幹旋之而中止其
他事悉類此先生學問淵博著作等身於經則精於易邃於書
於子則服膺道德南華二經頗能推闡奧突撰有東北要塞鑑
古錄營城子會土地沿革概略南金鄉土志書惡堂治家規則
鴻指三生錄女箴三藝啟蒙詩文集各若干農其所纂述以南
金鄉土志為最南金鄉土志尤以山河海島及租借政治兩志
為詳先生蓋殫究於輿地者有素也惜天不假年歟文遽喪以
民國五年夏歷八月十五日卒春秋六十有八無子以兄子忠
傳嗣論曰有清之季吾鄉以學名者汪喬兩李先生外不多覩
惟先生力能與之伉先生夙重陽明學說以知行一致為歸所
著書亦皆具有卓見非偏於訓詁考據者所能望其肩背或者
謂先生南金鄉土志有近詳遠略之弊不知志者記也無子記

闕疑焉耳矣例如欺也且數百年來未有志乘先生創始尤其
所難若輩云云直以廷撞鐘耳夫何足與辨哉先生猶子心如
近將以是志付印余謂心如曰少待余將傳先生於簡端因不
自揣最其大凡以示後世之欲知先生者

民國十八年九月下浣

孫毓棠識

蒙學讀本地球歌韻序

今世變迫矣英虔劉於西法逼處於南俄色舉於北倭狡
啟於東其商富兵強其工械器其農物土豔之職之而不
知其本原皆由於無人不學也皆由於八歲入小學而中學
而大學循階漸進與之先王之道合也其夢然茫然而
忽然滅亡者皆不學者也否則學其所學背乎之先王
之道也中國文物四千年黃品四萬古矣眾矣頌學其
十二不學者六即學矣而幽常龍衣故狃於閉戶自尊
冥於環睨剖噬比者京師清開時務科滬瀆允建達